

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA MAGLAJ  
Služba za privredu, finansije/financije  
i razvoj poduzetništva

Broj: 04-34-5-882/20-1  
Datum: 30.06.2020. godine

**OPĆINSKO VIJEĆE  
MAGLAJ**

**PREDMET: Mišljenje o Izvještaju o radu JP „Veterinarska stanica“ d.o.o. Maglaj za period 01.01. – 31.12.2019. godine,-**

JP „Veterinarska stanica“ d.o.o. Maglaj je u skladu sa traženjem općinske Službe za privredu, finansije/financije i razvoj poduzetništva, u ostavljenom roku dostavilo traženi izvještaj:

- Izvještaj o radu JP „Veterinarska stanica“ d.o.o. Maglaj za period 01.01.–31.12.2019. godine
- Plan i program rada JP „Veterinarska stanica“ d.o.o. Maglaj za 2020. godine

Kroz rad Službe poznato nam je da su u izvještajnom periodu vršene usluge u vidu liječenja domaćih životinja, veterinarsko-sanitarnih i sličnih usluga, rađena su vještačka osjemenjavanja rasplodnih junica, preventivna cijepljenja protiv Antraxa (Crnog prišta), dijagnostičkog ispitivanja na brucelozu, tuberkulozu i zaraznu upalu vimena.

Rađeno je ispitivanje protiv bjesnoće i različitih virusnih oboljenja, dijagnostička ispitivanja za potrebe izdavanja mlječnih kartona i slično. Služba redovno komunicira i prati rad JP „Veterinarska stanica“ d.o.o. Maglaj koji je ponajviše terenski rad na pružanju usluga preventivne zaštite domaćih životinja i liječenja, a samim tim i sprječavanje potencijalnog oboljenja ljudi zoonozama oboljelih životinja.

JP „Veterinarska stanica“ d.o.o. Maglaj je poslovala sa finansijskim poteškoćama i problemima, što je velikim dijelom uzrokovano smanjenjem stočnog fonda kod većine domaćinstava na području općine, smanjenjem broja organizovanih farmi za proizvodnju sirovog kravljeg mlijeka, farmi tovnih junadi, tova brojlera i drugih životinja.

U narednom periodu dodatni poslovi u sklopu JP“Veterinarska stanic“ Maglaj biti će i obavezno označavanje pasa i izdavanje petpasoša, gdje će vakcinisani psi biti prethodno čipovani i tek onda će se za iste izdavati petpasoši.

Unatoč problemima s kojima se suočava JP „Veterinarska stanica“ Maglaj, kao što je iskazano u Izvještaju o radu za 2019. godinu, ostvaren je nivo planiranog rezultata za 2019. godinu.

U narednom periodu u poljoprivredi kao strateškoj grani općine Maglaj, poseban akcent bi trebao biti na razvoju stočarstva. Shodno tome i JP „Veterinarska stanica“ d.o.o. Maglaj kao glavni servis pružanja usluga zdravstvene zaštite životinja bi trebala doprinijeti tome cilju. Za kvalitetnu proizvodnju mesa i mlijeka potrebno je provođenje sistemske kontrole zdravstvene

ispravnosti, a što se ostvaruje pravovremenim dijagnosticiranjem na zarazne bolesti, preventivnim cijepljenjem životinja (peradi, goveda, svinje, ovce, koze i sl.), uz nadzor stručnih lica koja su uposlena u Veterinarskoj stanici.

Općina Maglaj je kroz Program poticaja u poljoprivredi u prethodnim godinama, izdvajala sredstva poticaja proizvodnjačima sirovog kravlje mlijeka od po 0,10 KM po litri proizvedenog kravlje mlijeka. Na taj način je direktno i indirektno doprinijela očuvanju stočnog fonda, dalnjem razvoju i proširenju stočarske proizvodnje, te razvoju ruralnih područja.

Općina Maglaj zadovoljna je poslovanjem JP „Veterinarska stanica“ d.o.o. Maglaj u 2019. godini, koji omogućava nastavak kontinuiranih ostvarenja pozitivnog rezultata.

Maglaj, 30.06.2020. godine

Obradivač: Sadka Huskić

Kontrolor: Ferhat Bradarić

Kontrolor: Senada Alibajraktarević

Služba za privredu, finansije/financije

i razvoj poduzetništva



**JP „VETERINARSKA STANICA“**

**MAGLAJ**

**IZVJEŠTAJ O RADU**

**JP „VETERINARSKA STANICA“ MAGLAJ**

**ZA 2019. GODINU**

**Maglaj, juni, 2020. godine**

## IZVJEŠTAJ O RADU J.P. VETERINARSKA STANICA MAGLAJ za 2019 god

Što se tiče rada i poslovanja J.P. Veterinarska stanica Maglaj d.o.o. u 2019 god možemo slobodno reći da se odvijao po planu i programu realizacije za 2019. god. Uprkos svim problemima koje su pratile ovaj sektor uspjeli smo ostvariti zacrtane ciljeve i obim poslovanja.

U 2019 J.P. Veterinarska stanica Maglaj suočila se sa nizom manje više očekivanih problema. Veterinarska stanica Maglaj je do sada u najvećem dijelu svoje prihode bazirala i ostvarivala pružajući usluge držaocima krupne stoke. U periodu iza nas došlo je do drastičnog pada brojnosti krupne stoke na teritoriji općine Maglaj a što je inače trend na teritoriji cijele BiH i što se odrazilo na dio prihoda ostvarivan od ove vrste pruženih usluga. Nažalost imamo i veliki broj zatvorenih farmi što će neminovno smanjiti i količinu otkupljenog mlijeka i mesa te dovesti do smanjenog broja podmlatka i obnavljanja stada u periodu koji dolazi.

- U 2019. Godini uspjeli smo realizirati dio zacrtanog plana ispitivanja životinja na zarazne bolesti. Na smanjen obim ove vrste poslovanja utjecao je već navedeni razlog smanjenja stočnog fonda. Ispitali smo procentualno 20 % manje grla na brucelozu , enzootsku leukozu i tuberkulozu goveda.

- Što se tiče ispitivanja na zarazni mastitis krava muzara takođe je taj procenat za oko 20% manji a što je rezultat manjeg broja farmi za otkup sirovog mlijeka na našoj općini.

- Uspjeli smo uprkos novom pravilniku o obaveznom označavanju pasa koji je bio na snazi vakcinisati približno isti broj pasa kao u prethodnoj 2018.god. ali bez prethodnog označavanja i izdavanja petpasoša što neće više biti moguće u vremenu koje dolazi i od 01.01.2020. vakcinisani psi će morati najprije biti čipovani i za takve izdat petpasoš.

- Izvršili smo označavanje 1600 novih ovaca i jagnjadi koji su potom bili vakcinisani protiv bruceloze što je u principu bio i plan za 2019. God.i realno povećanje broja tretiranih životinja. Što se tiče same bruceloze kod malih prezivara imali smo nekoliko sporadičnih slučajeva tako da u principu možemo biti zadovoljni sa epizootiološkom situacijom na našoj općini.

- Nismo imali pojave drugih zoonoza na našoj epizootiološkoj jedinici.

Od drugih zaraznih bolesti imali smo pojavu Američke gnjiloće pčelinjeg legla ali smo uz pomoć vlasnika i veterinarske inspekcije uspjeli da je lokalizujemo veoma brzo u 2019. God.

Sve ostale veterinarske usluge liječenja , preventive ,vještačkog osjemenjavanja goveda i svinja , veterinarsko sanitarnog nadzora nad pošiljkama životinjskog porijekla u unutrašnjem prometu , organizovane otpreme žive stoke na klanje , nadzor nad objektima za klanje papkara rasjecanje trupova i hlađenje mesa , veterinarsko sanitarni nadzor nad objektima za preradu mesa te dezinfekcije vozila u kojima se otpremaju pošiljke u unutrašnjem prometu obavljeni su blagovremeno u okviru veterinarske službe i bez ikakvih problema i zastoja u 2019 godini.

Maglaj 06.02.2020

D I R E K T O R



Šehović H. Amer  
Dr vet.med.

A handwritten signature in blue ink, appearing to read "H. Amer Šehović".

**JP „VETERINARSKA STANICA“**

**MAGLAJ**

**PLAN I PROGRAM RADA**

**JP „VETERINARSKA STANICA“ MAGLAJ**

**ZA 2020. GODINU**

**Maglaj, juni, 2020. godine**

## PLAN I PROGRAM RADA J.P. VETERINARSKA STANICA MAGLAJ D.O.O.

J.P. Veterinarska stanica Maglaj planira nastaviti sa aktivnostima zdravstvene zaštite životinja kao i u proteklom periodu a veći dio obima zdravstvene zaštite životinja fokusirat će na preventivnu zaštitu i dijagnostiku zaraznih bolesti životinja u 2020 god. od koje neposredno zavisi i zdravlje ljudi.. Planirati obim ovih usluga vrlo je nezahvalno obzirom da je stanje stočnog fonda na teritoriji općine u stalnom padu a taj trend predviđamo i u 2020 god.

Uprkos ovoj činjenici i u 2019 god smo uspjeli da realizujemo plan koji smo zacrtali u početku 2019 te se iskreno nadamo da ćemo uspjeti realizirati ga i u 2020. Naime u 2020 godini namjeravamo ostvariti plan poslovanja oslanjajući se na rezultate iz prethodnih godina te ostvariti približno isti obim pruženih usluga.

- Plan ostvarivanja dijagnostičkih ispitivanja na brucelozu i enzootsku goveđu leukozu krupnih preživara

Planom smo zacrtali ispitati oko 1000 grla krupne stoke na ove dvije bolesti. Ove aktivnosti usko su vezane za Ured za Veterinarstvo BiH koji snosi troškove dijagnostičkih i laboratorijskih ispitivanja, Planom je obuhvaćeno 20% više grla nego u 2019. god.

- Plan ostvarivanja dijagnostičkih ispitivanja na TBC goveda

U 2020. god planiramo ispitati i oko 1200 goveda na tuberkulozu goveda. Planirani obim ovih ispitivanja je za 40% veći od ostvarenih rezultata u 2019 a na istoj razini iz 2018. god.. Dijelom će ga finansirati Federalno ministarstvo poljoprivrede a dijelom ćemo ga sprovesti o trošku vlasnika farmi tovnih junadi.

- Uz ove aktivnosti sprovoditi ćemo potpunije obilježavanje životinja sa ažuriranjem brojnog stanja broja goveda na terenu tako da ćemo imati potpuniju sliku stočnog fonda na teritoriji općine Maglaj.
- Plan sproveđenja dijagnostičkih ispitivanja na brucelozu malih preživara i vakcinacije u 2020. god

U 2020. god planiramo izvesti dijagnostičko ispitivanje novih 500 grla što će uz dosadašnji rad na dijagnostici ove bolesti i uz redovnu vakcinaciju podmlatka protiv iste doprinjeti još povoljnijoj epizootiološkoj

situaciji što se tiče ove bolesti. Samo da pomenemo da smo u poslednje dvije godine imali sporadičan broj ovaca oboljelih od bruceloze na našoj općini i da su one uglavnom dolazile sa drugih epizootioloških jedinica. Vakcinacija podmlatka u stalnom je rastu tako da smo u 2018 imali za 100% više vakcinisanih grla nego u 2017 a 2019 takođe za 100% više u poređenju sa 2018. Mislimo da nam je realan cilj vakcinacije laboratorijski ispitanih neoboljelih ovaca i koza te jagnjadi iz slobodnih stada za 2020 oko 2000 grla.

- Plan suzbijanja i iskorjenjavanja bolesti pčela

U 2020 god nastavit ćemo inače u zadnje dvije godine dobru saradnju sa Udruženjem pčelara općine Maglaj i nastojati da prevaziđemo probleme s kojim smo se susreli u 2019.( bolest Američke gnjiloće pčelinjeg legla) Izvršit ćemo klinički pregled svih pčelinjih zajednica i eventualno laboratorijskom pretragom pokušati izdvojiti sumnjive i oboljele pčelinjake.Takvu potrporu našli smo i kod Kantonalnog ministarstva poljoprivrede a odobren će nam biti i laboratorijski pregled o trošku Federalnog ministarstva sumnjivih pčelinjih društava i pčelinjaka koja su u proteklom periodu bila zaražena ovom bolešću. Sve ovo imat će za cilj rano pronalaženje i iskorjenjivanje ove bolesti koja je nažalost prisutna na našoj općini.

- Plan vakcinacije i uvođenja u jedinstveni registar kućnih ljubimaca

Ovo je dio aktivnosti kojem ćemo u 2020 posvetiti mnogo više pažnje nego u dosadašnjem periodu.Pokušat ćemo u cijelosti sprovesti akciju obaveznog označavanja i identifikacije kućnih ljubimaca (čipovanja). Prema planu za 2020 bili bismo zadovoljni ako bi uspjeli čipovati 35% ove populacije na našoj općini.

- Plan ostvarivanja usluga vještačkog osjemenjavanja i liječenja životinja

Bili bismo zadovoljni ako rezultati ove dvije vrste pruženih veterinarskih usluga budu na razini iz 2019. god.Obzirom da je brojnost mlječnih krava u stalnom padu to neminovno smanjuje broj oplođenih junica i krava iz godine u godinu te u velikoj mjeri smanjuje prihode od ove vrste usluga.

- Od početka 2020 godine uspostavljena je bliža saradnja sa Lovačkim društvom „SOKO“ Maglaj. Naime sprovodimo po prvi put pravilnik o odstrijeljenoj divljači u cijelosti. Možemo se pohvaliti da smo od početka

lovne sezone uspjeli realizovati postavljene ciljeve da i izvršavamo postmortalne preglede ulovljenih divljih životinja i da krvne serume i organe redovito šaljemo u laboratoriju Instituta za zdravlje i sigurnost hrane u Zenici.

- Uz ove redovne aktivnosti obavljat ćemo stalne veterinarsko zdravstvene nadzore nad objektima za klanje životinja te prerađe mesa i mlijeka.
- Ovo bi bile u kratkim crtama najznačajnije stavke plana i programa veterinarske stanice Maglaj za 2020 god i koji ima i realne osnove da u pretstojećem periodu bude realizovan.
- Uz ove aktivnosti imamo i plan da se u najskorije vrijeme pristupi u organizaciju Dog-Trust. Obzirom da se od ove godine ova organizacija pojavljuje prvi put na prostoru ZE-DO Kantona aplicirat ćemo kako bi ušli u veliku porodicu ove organizacije. Obzirom da smo ispunili veliki dio uslova koje ova organizacija zahtjeva potrebno je da ispunimo još neke uslove koje ova organizacija traži od veterinarskih stanica a koje se odnose na nabavku neophodne opreme za izvodljivost ovih hiruških zahvata te klimatizacije sale za postoperativni prihvatanje životinja
- Pored ovoga planiramo izgradnju prve faze skloništa za prihvatanje pasa lutilica i napuštenih pasa sa pratećim tretmanom za iste. Mislimo da bi do realizacije ova dva poslednja plana trebalo doći u godini pred nama.

Maglaj 16.06.2020.

